

bitamus, qvi Ecclesiam Dei non timetis depauperare, impediendo vel omnino subtrahendo fidelium elemosinas, & ideo unde ipsi sua redimunt, vos vestra accumulatis peccata, silvam siquidem in *Gulumstenschog*, quam Archiepiscopus in suorum redemptionem peccatorum fratribus nostris de *Esrom* contulit, vos in vestram damnationem auferre conamini. Saluti igitur vestræ, qvia & hoc nobis attinet, consulere cupientes, ea quam a Deo habemus Regiam majestatem, vobis præcipimus, ut de cœtero præfatis fratribus nostris de *Esrom* in nullo contrarii sitis, sed omnimodis præfata silva sua æqve vobis uti permittatur: Videlicet, stantia & virentia in ea succidere, ut vos, vetera vero dejecta sustollere ut vos, sal coqvare, glandibus porcos pascere, & in omnimodam utilitatem suam ut vos vertere, & veniendo tam per mare, quam per terras nullo prohibente ad sua loca deducere. In quibus omnibus si nostro consilio & præcepto, sicut expedit, obedieritis, gratiam a nobis, & in fine vitæ vestræ a Domino Deo, quod oculus non vidit, nec auris audivit & in cor hominis non ascendit, recipietis. Si vero aliter feceritis, regiæ majestatis reos vos esse noveritis, & qvia aliena rapere non timetis, propria pro eis, nam & hoc justum est, reddituros vos sciatis. Scriptum quippe est, in qvo quis peccat, in eo punietur. Et sicut vos fratres a præfata silva prohibetis, ita & nos ex regiæ majestatis auctoritate, ab eadem silva vos prohibemus. Præterea præcipimus *Bare* & *Atti* de *Ochem*, ut mulierem quam in servitatem redegerant, de libera facientes ancillam, propriæ libertati restituant. Quod si non fecerint, gladium nostræ majestatis ultorem sentiant. Si vero fratres præfata fæminæ eis aliquid debent, libenter, quod juri eorum debetur, restituant.

76.

1177.

Ärke-Bisk. i Lund. ABSALONS dom på Esroms klostets skog i Faurås härad strax vid Ethra åen i Halland, och förbud mot dess åverkande.

K. c. 1: 44.

ABSALON Dei gratia sanctæ *Lundensis* ecclesiæ Archiepiscopus, Apostolicæ sedis Legatus, Daciæ & Svethiæ primas, omnibus tam præsentibus quam futuris in perpetuum. Recordantes studiorum hominum impiorum, quæ plerisque fidelium nota esse credimus, & nos frequenti experientia experti sumus, quibus pios & præcipue seculi contemptores moliuntur quasi de terra eradicare, famam eorum sinistris oblocutionibus fuscando, vel necessarias & justas possessiunculas injuste sibi usurpare calumpniando, suasque clamando, dignum duximus scripto in præsentis paginula notum facere & fidele testimo-

nium tam præsentibus exhibere quam posteris relinquere, quod factum est in præsentia Domini *Kanuti* Regis filii Domini *Waldemari* Regis Danorum invictissimi & nostra. In campis *Farthusa* non longe ab amne *Ethra*, *Johan Mosun*, *Salter Megindoris* filius, & alii habitatores *Farthusaheriz*, calumpniati sunt silvas fratrum nostrorum de *Esrom Mothorp* attinentes in præsentia Domini nostri venerabilis regis *Waldemari*. Qvi adjudicavit prædictis fratribus & cœteris qvi præfatam villam & calumpnias silvas in possessione habebant, sacramento comprobare easdem silvas a justis possessoribus se adeptos fuisse, & ipso sacramento præstito, de jure easdem silvas in perpetuum debere absqve ulla calumpnia possidere. Præstitum est sacramentum, sicut supra testati sumus, in præsentia Domini *Kanuti* Regis & nostra & præfatæ silvæ de jure, ab ipso, fratribus in perpetuum sunt adjudicatæ, omni calumpnia in posterum abjudicata. Ea propter sicut tunc post præstitum sacramentum viva, ita & nunc post testimonium ejusdem præstiti sacramenti voce scripta precamur, ut ille qvi cœlis & terris præstitit, veram & perpetuam pacem donet omnibus, qvi pacem præfatis fratribus de *Esrom*, & præfatis silvis & possessionibus servaverint. Qvi vero de cœtero præfatis silvis præfatorum fratrum de *Esrom* aliquam calumpniam inflixerit, ponat Dominus partem ejus cum *Dathan* & *Abiron*, & sit in perpetuum anathema nisi resipiscat. Amen. fiat, fiat. Facta autem hæc sunt Anno Domini M. C. LXXXII \*), qvo & ipsi Rex *Kanutus* a patre suo Princeps Hallandiæ constitutus est. Testes autem horum hii sunt, qvi & affuerunt, *Petrus* filius *Palni*, *Thove Skelmi* filius, *Magnus* filius *Ulf*.

77.

1177—1178.

Abbot PETERS i Remi skrifvelse till Lunds Årke-Biskop Eskil.

K. h. 2: 600. n:o 29.

*Lundensi Archiepiscopo, Petrus Abbas sancti Remigij.*

De duobus oculis meis, alterum ad me retineo, alterum frequenter ad vos, pater & domine carissime, retorqueo. Qui meus mihi remanet, quid in me videt? Certe plura, quibus condolet, quibus illacrymatur, quibus vsque ad nimiam suffusionem turbatur. Certe reptilia, quorum non est numerus: certe gentem illam nefariam, quam Ezechiel vidit depictam in pariete domus, quam iubente domino effoderat. Ad vltimum, quædam ineffabilia non profunditate mysterij, sed

---

\*) Årtalet är felskrifvit för MCLXXVII, som är anmärkt i K. e. 1: 331.